

INUIT ATAQATIGIIT

Inatsisartuni



17. januar 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Ulluunerani paaqqinnittarfinni atorfinitsitsinernut, ilinniartitaanernut, pikkorissaaqqinnernut ilinniarsimasunillu sulisunik attassiinnarsinnaanermik qulakkeerinninnissaq anguniarlugu periusissiatut iliusissatullu pilersaarutissap suliarineqarnera sumut killinnersoq pillugu apeqquteqaateqarpunga 09.10.17. apeqquteqaatigalu normulerneqarsimavoq 226. Apeqquteqaatinnut naalakkersuisut ima akissuteqaateqarput: "Naalakkersuisut naatsersuutigaat, periusissiaq immikoortoq siulleg 2017-ip naalernerani naammassineqarsinnaassasoq". Massakkut paaserusuppara periusissiaq taanna sumut killinnersoq.**

(Inatsisartuni ilaasortaq Peter Olsen, Inuit Ataqatigiit)

Tunggavilersuut:

UKA 2016-mi siunnersuutiga imm. 97 ima qulequtaqartoq inatsisartunit akuersissutigineqar-nikuuvoq:

"Siunissamat isigaluni pisariaqartitat aallaavigalugit ulluunerani paaqqinnittarfinni atorfinitsitsinernut, ilinniartitaanernut, pikkorissaaqqinnernut ilinniarsimasunillu sulisunik attatiinnarsinnaanermik qulakkeerinninnissaq siunertaralugu UKA 2017-imi periusissanut iliuuserisaassanullu pilersaarummik saqqummiussinissamik Naalakkersuisut peqquneqarnissaannik Inatsisartut aalajangiiiffisassaannik siunnersuut"

Tamanna pillugu periusissiap suliarineqarnera sumut killinnersoq pillugu apeqquteqaateqar-punga 09.10.17. apeqquteqaatigalu normulerneqarsimavoq 226. Apeqquteqaatinnut naalakkersuisut ima akissuteqaateqarput: "Naalakkersuisut naatsersuutigaat, periusissiaq immikoortoq siulleg 2017-ip naalernerani naammassineqarsinnaassasoq"

Immikkoortoq siulleg pineqartoq suli takkunnikuunngimmat matumuuna apeqquteqaammik nassiusseqqippunga sumut killinnersoq paaserusukkakku.

Ulluunerani paaqqinnittarfinni sulisut pitsaasunik atugassaqaarnissaat angorusunnaraluaqaaq, aningaasarsiatigullu aamma atugassarititaasut pitsanngorsarusun-narlutillu qaffakkusunnaraluaqaat.

Kisianni uagut inatsisartut isumaqatigiinniartartuunnginnatta akissarsiat tungaatigut isuma-qatigiinniarnerni akuliussinnaanngilagut, tamanna Naalakkersuisut isumaqatigiinniartartullu akissussaaffigimmassuk.

Neriuppunga Naalackersuisut isumaqatigiinniartartullu ajunngitsumik pitsaasumillu isumaqatigiissuteqarumaartut ulluunnerani paaqqinnittarfinni sulisut sukut tamatigut pitsaasumik atugassaqalernissaat pillugu.

Kissaatigaaralu apeqqutima ullut qulit iluanni akineqassasoq.